

ՀՐԱՉՈՒՀԻ ԹՈՒՐՎԱՆԴՅԱՆ (ՀՀ ԳԱԱ ԱԻ)

ԱՄՆ-Ի ԴԵՍՊԱՆԱՏԱՆ ՏԵՂԱՓՈԽՈՒՄԸ ԵՐՈՒՍԱՂԵՄ. ՆՈՐ ՇԵՇՏԱԴՐՈՒՄՆԵՐ ՄԻԱՅՑԱԼ ՆԱՀԱՆԳՆԵՐԻ ԱՐՏԱՔԻՆ ՔԱՂԱՔԱԿԱՆՈՒԹՅԱՆ ՄԵՋ ԵՎ ՀԵՏԵՎԱՆՔՆԵՐԸ ՄԵՐՁԱՎՈՐ ԱՐԵՎԵԼՔԻ ՀԱՄԱՐ

Մերձավոր Արևելքը մշտապես եղել և շարունակում է մնալ ԱՄՆ-ի քաղաքականության ուշադրության կենտրոնում, որում իր առանցքային դերն ունի Երուսաղեմի հիմնախնդիրը: Երուսաղեմի կարգավիճակը տասնամյակներ շարունակ եղել է հակասության աղբյուր: Այն ոչ միայն կրոնական նշանակություն ունեցող քաղաք է իսլամի, քրիստոնեության և հուդայականության համար, այլև համարվում է ինչպես Իսրայելի, այնպես էլ Պաղեստինի ինքնության բանալին: Ավելացնելով սրան պաղեստինաիսրայելական հակամարտության մեջ Երուսաղեմի կարգավիճակի կարևորությունը՝ ակնհայտ է դառնում, թե ինչու ԱՄՆ-ի դեսպանության տեղափոխման որոշումը մեծ արձագանք և քննադատության ալիք է բարձրացրել ամբողջ աշխարհում¹:

Թե՛ իսրայելցիների և թե՛ պաղեստինցիների մեծամասնությունը պնդում են, որ Երուսաղեմը պետք է լինի իրենց պետությունների մայրաքաղաքը²:

¹ Հստ 1947թ. նոյ. 29-ի ՄԱԿ-ի Գլխավոր Ասամբլեայի կողմից ընդունված 181/(II) բանաձևի՝ Երուսաղեմի կարգավիճակը հաստատվել էր «անկախ գոտի՝ հատուկ միջազգային վարչակարգի կառավարման ներքո», United Nation's Partition Plan – Resolution 181 (II). Future Government Palestine, New York, Nov. 29, 1947, <https://unispal.un.org/DPA/DPR/unispal.nsf/0/7F0AF2BD897689B785256C330061D253>

² Beinun J., Hajjar L., Palestine, Israel and the Arab-Israeli Conflict a Primer, Middle East Research and Information Project, p. 8, https://web.stanford.edu/group/sper/images/Palestine-Israel_Primer_MERIP.pdf

Քաղաքի դիմագիծը փոխվեց 1967 թ. արաբաիսրայելական վեցօրյա պատերազմի արդյունքում, երբ իսրայելական բանակն իր ամբողջական վերահսկողությունը տարածեց Երուսաղեմի³ վրա: Նոյեմբերի 22-ին ՄԱԿ-ի Անվտանգության խորհուրդն ընդունեց 242-րդ բանաձևը, որով կոչ էր արվում Իսրայելին դուրս բերել զորքերը գրավվյալ տարածքներից⁴:

Իսրայելական կողմը մշտապես համարել է, որ Երուսաղեմն Իսրայելի միացյալ և հավերժական մայրաքաղաքն է և ենթակա չէ որևէ վարչական բաժանման⁵: 1980 թ. հուլիսի 30-ին Իսրայելի խորհրդարանը Երուսաղեմը հռչակեց Իսրայելի «միասնական և անքակտելի մայրաքաղաք»՝ որոշում կայացնելով նախագահի, Քնեսեթի, կառավարության և Գերագույն դատարանի նստավայրերը տեղափոխել այնտեղ⁶:

Պետք է ընդգծել, որ 2000 թ. Իսրայելի վարչապետ Էհուդ Բարաքի և պաղեստինյան ինքնավարության առաջնորդ Յասեր Արաֆաթի միջև բանակցությունների արդյունքում կողմերը մոտ էին երկու ժողովուրդների միջև քաղաքի բաժանմանը⁷: Մակայն վերջնական բանակցությունները մտան փակուղի, որի արդյունքում սկսվեց

³ Արաբաիսրայելական 1-ին պատերազմի արդյունքում (1948-1949 թթ.) Երուսաղեմը բաժանվել էր Անդրհորդանանի և Իսրայելի միջև: Дмитриев Е., Палестинская трагедия, Москва, 1986, с. 22.

⁴ United Nations Security Council – Resolution 242, New York, Nov. 22, 1967, p. 8 [https://undocs.org/S/RES/242\(1967\)](https://undocs.org/S/RES/242(1967))

⁵ Կարապետյան Ռ., Արաբական երկրների նոր և նորագույն պատմություն, Երևան, 2003, էջ 308:

⁶ Basic Law: Jerusalem the Capital of Israel (5740 - 1980), Tel Aviv, July 30 1980, <http://knesset.gov.il/laws/special/eng/BasicLawJerusalem.pdf>

⁷ Դեռևս Օսլոյի բանակցություններում շրջանցվել էր քաղաքի կարգավիճակի շուրջ քննարկումները՝ «հրատապ բանակցությունների» ձախողումից խուսափելու համար, The Israeli-Palestinian Interim Agreement, Taba, 28 Sep., 1995, https://mfa.gov.il/mfa/foreignpolicy/peace/guide/pages/the%20israeli-palestinian%20interim%20agreement.aspx?fbclid=IwAR0wj4szjaxMaS2S6ytJ2YAz m9blTb3qtJMTTn_OfrkPUNddHXB7Rp4oAgk

պաղեստինյան երկրորդ ինթիֆադան⁸: Հետագա տարիներին ևս Երուսաղեմի հիմնախնդիրը մշտապես եղել է երկու կողմերի ուշադրության կենտրոնում:

Հարկ է նշել, որ դեռևս 1995 թ. նոյեմբերի 8-ին ԱՄՆ-ի Սենատը Ներկայացուցիչների պալատի հետ համատեղ ընդունել էր ԱՄՆ դեսպանատունը Թել Ավիվից Երուսաղեմ տեղափոխման մասին հանրային օրենքը⁹: Մասնավորապես նշվում էր, որ Երուսաղեմը 1950 թ.-ից ի վեր Իսրայելի մայրաքաղաքն է: Համաձայն այդ օրենքի՝ Երուսաղեմը պետք է ճանաչվի Իսրայելի մայրաքաղաք, և ԱՄՆ-ի դեսպանատունը տեղափոխվի այնտեղ ոչ ուշ մինչև 1999 թ. մայիսի 31-ը¹⁰:

Այդուհանդերձ, երկրի նախագահին իրավունք էր ընձեռվում այդ օրենքի կատարման վեցամսյա հետաձգման իրավունք՝ ԱՄՆ-ի անվտանգության և մերձավորարևելյան հակամարտության կարգավորման հարցում ամերիկյան ռազմավարության համար «հիմնավոր կասկածի» պարագայում: Հենց այս դրույթն էին օգտագործում ԱՄՆ-ի նախկին նախագահներ Բիլ Կլինթոնը, Ջորջ Բուշ կրտսերը և Բարակ Օբաման՝ վերոնշյալ պատճառով յուրաքանչյուր 6 ամիսը մեկ անգամ հետաձգելով դեսպանատան տեղափոխումը:

Երուսաղեմի կարգավիճակի վերաբերյալ հարցը կրկին սկսեց շահարկվել ԱՄՆ-ի նախագահ Դոնալդ Թրամփի կողմից նախագահության անմիջապես ստանձնումից հետո, ով դեռևս նախընտրական պայքարի փուլում հայտարարում էր, որ պատրաստ է ճանաչել Երուսաղեմը որպես Իսրայելի մայրաքաղաք և Միացյալ Նահանգների դեսպանատունը տեղափոխել այնտեղ: Նշենք, սակայն, որ իր

⁸ Արաբերեն բառ, բառացիորեն նշանակում է «ցնցում», «սարսուռ», «ապստամբություն»:

⁹ Jerusalem Embassy Act of 1995, Public Law 104-45—Nov. 8, 1995, Washington, Nov. 8, 1995, <https://www.congress.gov/104/plaws/publ45/PLAW-104publ45.pdf>

¹⁰ Zanoliti J. Israel: Background and U.S. Relations in Brief, Congressional Research Service, Jan 6, 2017, p. 10,

https://www.refworld.org/pd/5885d7f14.pdf?fbclid=IwAR3-t2S6YiHFesDjOiY_5uZV3Ehlsn_hgA_EAEUjPthav-Kqx4Yg0gs80A

պաշտոնավարումից հետո Դ. Թրամփը 2017 թ. հունիսի 1-ին վեցամսյա ժամկետով երկարաձգել էր օրենքի կատարման ժամկետը¹¹:

Ինչպես և սպասվում էր՝ նախագահ Դ. Թրամփը 2017 թ. դեկտեմբերի 6-ին իր ելույթում հայտարարեց Երուսաղեմն Իսրայելի մայրաքաղաք պաշտոնապես ճանաչելու և ԱՄՆ-ի դեսպանատունն այնտեղ տեղափոխելու իր որոշումը: Միննույն ժամանակ, նա մեղադրում էր նախկին իշխանություններին օրենքն արհեստականորեն չիրագործելու համար¹²: Որոշման մեջ ասվում էր, որ ԱՄՆ-ը կարևոր է համարում ընդգծել այն հանգամանքը, որ Երուսաղեմի մայրաքաղաք ճանաչումը ոչ մի ձև չի կարող խոչընդոտել՝ «իրա-ժարվել Իսրայելի և պաղեստինյան արաբների միջև խաղաղության համաձայնագրի կազմման պարտավորությունից»: ԱՄՆ-ը կաջակցի փոխզիջման ցանկացած տարբերակի, այդ թվում՝ «երկու պետություն լուծման» (two-state solution)¹³ մոդելին, եթե դա համաձայնեցված լինի երկու կողմերի հետ¹⁴:

Այդուհանդերձ, չնայած իր հայտարարությանը, Թրամփը ևս մեկ անգամ օրենքի իրականացումը երկարաձգեց 6 ամսով, որոնք,

¹¹ Trump's Recognition of Jerusalem as Israel's Capital: Background and Ramifications, Al Jazeera Centre for Studies, Doha, Dec. 25, 2017, p. 3, http://studies.aljazeera.net/mritems/Documents/2017/12/25/4b95a54c599a4155987f7a1b3999244_100.pdf?fbclid=IwAR1h-dkrkjQJOP5L-rXJOa1OauUQ0vqXo4H29xXdljQZXSyUylCaIDrgTg

¹² Statement by President Trump on Jerusalem, Washington, Dec. 6, 2017, <https://www.whitehouse.gov/briefings-statements/statement-president-trump-jerusalem/>

¹³ «Երկու պետություն լուծման» գաղափարը առաջարկվել է դեռևս 1974 թ. Յ. Արաֆաթի կողմից: Այս ուղղությամբ քննարկումներ եղել են 1993 թ. սկսած պաղեստինյան ինքնավարության ստեղծում Արևմտյան ափի և Գազայի հատվածում՝ համաձայն Օսլոյի պայմանավորվածությունների:

¹⁴ Trump's Decision to Announce Jerusalem as the Capital of Israel: Motives, Implications, and Prospects, Arab Center for Research and Policy Studies, Doha Institute, Doha, Dec. 2017, https://www.dohainstitute.org/en/Lists/ACRPS-PDFDocumentLibrary/12%20december%20situation%20assessment.pdf?fbclid=IwAR0_QEdSsuAHAti2qv9FZfxP8kS9OVIYpOthvwC8GB5sELVrIYyv94lXoRU

ըստ Սպիտակ տան, կապված էին կազմակերպչատեխնիկական հարցերի հետ:

Երուսաղեմի՝ մայրաքաղաք հռչակման պահը հաջող էր ընտրվել նախագահ Դ. Թրամփի կողմից, երբ ԱՄՆ-ի մերձավորարևելյան գործընկերները՝ Իսրայելը և մի շարք արաբական երկրներ, Օբամայի կառավարման շրջանից հետո Իրանի դեմ դիմակայության հարցում ամրացնում էին իրենց կապերը:

Իսրայելի ներկայությունն Արևելյան Երուսաղեմում միջազգայնորեն համարվում է բռնազավթում, և դեսպանատան տեղափոխումը մտահոգիչ արձագանք է ստացել միջազգային հանրության կողմից: ՄԱԿ-ը և աշխարհի գերակշիռ մասը չեն ճանաչում Իսրայելի պահանջը Երուսաղեմի նկատմամբ¹⁵: Քննետեթի կողմից Երուսաղեմը՝ Իսրայելի անքակտելի և միասնական մայրաքաղաք հռչակելուց անմիջապես հետո՝ 1980 թ. օգոստոսի 20-ին, ՄԱԿ-ի Անվտանգության խորհուրդն ընդունել էր 478-րդ բանաձևը՝ նշելով, որ Իսրայելի հիմնական օրենքն անվավեր է և պետք է չեղյալ հայտարարվի¹⁶: ԱՄՆ-ը նախընտրեց ձեռնպահ մնալ քվեարկությանը և չօգտագործեց վետոյի իր իրավունքն այն հիմնավորմամբ, որ Երուսաղեմի խնդիրը պետք է լուծվի խաղաղ բանակցությունների միջոցով, այլ ոչ թե միակողմանի հայտարարություններով¹⁷:

¹⁵ United Nations Position on Jerusalem Unchanged, Special Coordinator Stresses, as Security Council Debates United States Recognition of City, New York, Dec. 8, 2017, https://www.un.org/press/en/2017/sc13111.doc.htm?fbclid=IwAR1_Ra4-tpagPqfQ2o3mExfpAYb-upzHIXsTTrLkqacqP_6ZAIxGH-shPvE

¹⁶ Պետք է նշել, որ մինչև 1980 թ. Երուսաղեմում գործում էր շուրջ 13 դեսպանություն, սակայն ՄԱԿ-ի հորդորով բոլոր դեսպանատները հեռացվեցին քաղաքից: Բացի այդ, Երուսաղեմում մինչև 2018 թ. մայիսի 14-ը շարունակում էր գործել ԱՄՆ-ի հյուպատոսարանը, որը Թրամփի որոշման արդյունքում միավորվեց դեսպանատանը:

¹⁷ Reiter Y., The Dedication of the U.S. Embassy in Jerusalem & its Ramifications, Jerusalem, The Jerusalem Institute for Policy Research, May 14, 2018, <http://en.jerusalemstitute.org.il/upload/Dedication%20of%20the%20US%20Embassy%20designed.pdf?fbclid=IwAR21PfcgJfXf3y-nUwG2rKy7h7Khmezznt13870WYNcurSsCydb1eramI10>

Թրամփի քայլը հատկապես դժգոհություն է առաջացրել ԱՄՆ-ի՝ Մերձավոր Արևելքի դաշնակիցների ճամբարում՝ հաշվի առնելով քաղաքի կրոնական կապը իսլամական աշխարհի հետ: Մերձավոր Արևելքի արաբ առաջնորդները նախազգուշացրել էին, որ ամերիկյան միակողմանի քայլերը կարող են հանգեցնել անկայունության և խոչընդոտել ԱՄՆ-ի ջանքերը՝ ուղղված պաղեստինախրայելական խաղաղ բանակցությունների վերսկսմանը: 2018 թ. ապրիլի 15-ին Արաբական պետությունների լիգայի գազաթափողովի օրակարգում, որը հռչակվել էր որպես «Երուսաղեմի գազաթափողով», բարձրացվեց Պաղեստինի հարցը, և մի շարք առաջնորդներ հանդես եկան կոշտ հայտարարություններով՝ դատապարտելով Վաշինգտոնի կողմից իրականացվող քաղաքականությունը տարածաշրջանում:

Հորդանանի թագավոր Աբդալլահ II-ը հայտարարություն էր տարածել՝ նախազգուշացնելով Դ. Թրամփին, որ ցանկացած նման որոշում հակասում է արաբախրայելական հակամարտության վերջնական կարգավորմանը: «Երուսաղեմը տարածաշրջանում և աշխարհում խաղաղության և կայունության հասնելու բանալին է», ասվում էր հայտարարության մեջ¹⁸:

Սիրիայի արտաքին գործերի և սփյուռքի նախարարության հայտարարության մեջ ասվում էր, որ «Սիրիան խստորեն դատապարտում է ԱՄՆ-ի վարչակազմի՝ իր դեսպանությունը Երուսաղեմ տեղափոխելու մտադրությունը, քանի որ սա միջազգային օրինականության բանաձևերի կոպիտ խախտում է: ԱՄՆ-ի վարչակազմի որոշումը ևս մեկ անգամ ապացուցում է իր թշնամանքն արաբ ազգի նկատմամբ՝ ապացուցելով, որ ԱՄՆ-ի քաղաքականությունն օգտագործվում է տարածաշրջանում սիոնիստական նախագծին ծառայելու համար»¹⁹:

¹⁸ Al-Khalidi S., Jordan's king warns Trump over moving U.S. embassy to Jerusalem: palace. Reuters News Agency, Dec. 5, 2017, <https://www.reuters.com/article/us-usa-jerusalem-jordan/jordans-king-warns-trump-over-moving-u-s-embassy-to-jerusalem-palace-idUSKBN1DZ2L7>

¹⁹ Sabbagh H., Syria condemns the US administration's intention to move its embassy to Al-Quds in May, SANA, Feb. 25, 2018, <https://sana.sy/en/?p=128557>

Եգիպտոսի նախագահ Աբդել-Ֆաթահ էլ-Սիսին ևս նախագգու-
շացրել էր ԱՄՆ-ին, որ Դ. Թրամփի որոշումը «կվնասի Մերձավոր
Արևելքում հակամարտության խաղաղ կարգավորմանը»²⁰:

Չնայած միջազգային հանրության կոշտ արձագանքին²¹՝ ԱՄՆ
դեսպանատան հանդիսավոր բացման արարողությունը տեղի ունե-
ցավ մայիսի 14-ին Արևմտյան Երուսաղեմում՝ Իսրայել պետության
հիմնադրման 70-ամյակի օրը, որի ընթացքում տեսաուղերձով հան-
դես եկավ Դ. Թրամփը: Դեսպանատան բացման արարողությանն
անձամբ մասնակցում էին Թրամփի դուստրը՝ Իվանկա Թրամփը և
նրա ամուսին Ջարեդ Քուշները:

ԱՄՆ-ի նախագահն իր ուղերձում այս քայլը բնորոշեց որպես
առաջընթաց ամերիկաիսրայելական հարաբերություններում՝ մատ-
նանշելով, սակայն, որ չի ցանկանում վատթարացնել հարաբերու-
թյուններն արաբական աշխարհի հետ: Միացյալ Նահանգները, նրա
խոսքերով, չի միջամտի Երուսաղեմի սահմանների հստակեցման
մասին բանակցություններին և իր դիրքորոշումն այդ հարցում առա-
վելագույն կերպով ներկայացնելու համար ԱՄՆ-ի փոխնախագահ
Մայք Փենսը կմեկնի Մերձավոր Արևելք:

Միացյալ Նահանգները, տասնամյակներ շարունակ, իրեն ներ-
կայացրել է որպես հիմնական միջնորդ իսրայելցիների և պաղես-
տինցիների միջև: Տարիներ շարունակ առերևույթ չեզոքությունն
ակնհայտորեն թույլ է տվել ԱՄՆ-ին լինել վստահելի միջնորդ և
երկու կողմերին պահել բանակցային սեղանի շուրջ: Ամերիկացի
դիվանագետները հակված են հաշվի առնել չեզոքությունը որպես
հիմնարար սկզբունք խաղաղության հաստատման համար, սակայն

²⁰ Dwyer C., How The World Is Reacting To Trump Recognizing Jerusalem As Israel's Capital, National Public Radio, Dec. 6, 2017, https://www.npr.org/sections/thetwo-way/2017/12/06/568748383/how-is-the-world-reacting-to-u-s-plan-to-recognize-jerusalem-as-israeli-capital?fbclid=IwAR36cGHpAQmQOXokmrBZkLqhM36SWNbRjZHug86_kZ3Fm5lmYGPFWk_nd3Y

²¹ Նույն տեղում:

հարկ է նշել, որ բանակցություններում չեզոքության պահպանումն էլ երբեք միանշանակ բնույթ չի կրել:

Վերջին տարիներին բանակցությունների սեղանին կրկին հայտնված «երկու-պետություն լուծման» մոդելը, որը ենթադրում է կողք կողքի առանձին Իսրայել և Պաղեստին պետությունների գոյակցություն, անընդհատ հետաձգվել է: Դեռ ավելին, ռազմական գործողություններն Իսրայելի և Համասի միջև խորքային անվստահություն են առաջացրել նաև Իսրայելի և պաղեստինյան ինքնավարության միջև հարաբերություններում: Իսրայելի վարչապետ Բ. Նեթանյահուի և պաղեստինյան ինքնավարության առաջնորդ Մ. Աբբասի միջև շփումները դադարեցվել են 2014 թ. խաղաղ բանակցությունների ձախողումից ի վեր²²:

«Երկու-պետություն լուծման» մոդելի համաձայն՝ Երուսաղեմի կարգավիճակը պետք է որոշվեր երկու հիմնական շահագրգիռ կողմերի միջև ուղիղ բանակցությունների միջոցով: Սակայն լուծման եզրեր դեռևս չեն կարող լինել, որովհետև միայն Արևելյան Երուսաղեմում իսրայելցիների թիվը հասնում է 200.000-300.000-ի²³: Միջազգային կառույցները ևս դատապարտում ու անօրինական են համարում բնակավայրերի կառուցումը պաղեստինյան տարածքներում:

ԱՄՆ-ի նախագահ Դոնալդ Թրամփը բազմիցս նշել է, որ՝ Երուսաղեմի ճանաչումը որպես Իսրայելի մայրաքաղաք և դեսպանատան տեղափոխումը հիմնականում խորհրդանշական դիվանագիտական առաքելություն է, և «Սուրբ քաղաքի» ճակատագիրը

²² Staff T., Netanyahu dispatched Shin Bet chief in bid to renew ties with Abbas — report, November 1, 2018, <https://www.timesofisrael.com/netanyahu-dispatched-shin-bet-chief-in-bid-to-renew-ties-with-abbas-report/>

²³ Noack R., Trump's Embassy Move Has Triggered Deadly Protests. These Maps Explain Why. The Washington Post, May 14, 2018, https://www.washingtonpost.com/news/world/wp/2018/05/14/trumps-embassy-move-to-jerusalem-is-controversial-these-3-maps-explain-why/?fbclid=IwAR3yiBiiRx9fNDJNSMdwMvOruRhB2sy16LRSUc3f5kCdZasRGGai50BZ8iE&noredirect=on&utm_term=.b6a10745e5a5

պետք է որոշվի իսրայելցիների և պաղեստինցիների միջև բանակցությունների արդյունքում²⁴:

Մակայն իսրայելացիների նման պաղեստինցիները ևս Միացյալ Նահանգներից ակնկալում են խորհրդանշական գործողություններ, ինչպիսիք են՝ Արևելյան Երուսաղեմի ճանաչումը որպես իրենց ապագա մայրաքաղաք, Պաղեստին պետության ճանաչում կամ, առնվազն, օգնության տրամադրում և ներդրումային քաղաքականություն պաղեստինյան տարածքներում:

Ինչ վերաբերում է առկախված բանակցային գործընթացին, ապա Սպիտակ տունը 2017 թ. դեկտեմբերի 7-ին հայտարարել էր բանակցային գործընթացի խաղաղության նոր ծրագրի ներկայացման մասին՝ հայտնի որպես «դարի գործարք», համաձայն որի, կողմերը պետք է գան ընդհանուր հայտարարի և վերջ տան երկարատև պաղեստինաիսրայելական հակամարտությանը:

Թրամփի որոշումը դեսպանատան տեղափոխության վերաբերյալ կարծես թե մոռացության է մատնում քաղաքի համակեցության իրավունքն իսրայելցիների և պաղեստինցիների միջև, նաև անտեսում է Երուսաղեմի նշանակությունը պաղեստինյան ազգային ինքնության նկատմամբ: Բացի այդ, այս որոշումը միջազգային բոլոր նկատառումներով վտանգի տակ է դնում իսրայելապաղեստինյան բանակցությունների խաղաղ գործընթացը:

Թրամփի խորհրդանշական որոշումը, որն էականորեն չի փոխել օտարերկրյա դիվանագետների աշխատանքային ռեժիմը և նրանց մեծ մասը շարունակում է մնալ Թել Ավիվում, տասնյակ զոհերի է հանգեցրել Գազայի հատվածում տեղի ունեցող բողոքի ցույցերի արդյունքում²⁵: Ստեղծված նոր իրավիճակում տարածաշրջանը կարող է ընկնել երկարատև անորոշության մեջ:

²⁴ Diamond J., Labott E., Trump Recognizes Jerusalem as Israel's Capital, Cable News Network (CNN), Dec 6, 2017, https://edition.cnn.com/2017/12/06/politics/president-donald-trump-jerusalem/index.html?fbclid=IwAR2pRaojKHQfOc38zpB_-X2hpcFAa5mJYnGmmKU00dNj136MJm8vwFk6bf4

²⁵ Halbfinger D., Kershner I., Walsh D., Israel Kills Dozens at Gaza Border as U.S. Embassy Opens in Jerusalem, The New York Times, May 14, 2018, <https://www.nytimes.com/2018/05/14/world/middleeast/gaza-protests-palestinians-us->

Թուրքիայի՝ տարածաշրջանում տիրապետության համար մղվող պայքարի ֆոնին, Երուսաղեմն Իսրայելի մայրաքաղաք ճանաչելու վերաբերյալ Թրամփի որոշումը լարվածություն է առաջացրել նաև Թուրքիայի և ԱՄՆ-ի միջև, մինչդեռ երկկողմ հարաբերություններում արդեն առկա էին մի շարք խնդիրներ: Ըստ Էրդողանի՝ «Երուսաղեմը մուսուլմանների կարմիր գիծն է»²⁶: Իրականում կարծում ենք, որ Երուսաղեմի հարցն այնքան կարևոր և զգայուն չէ թուրքական իշխանությունների համար, որքան ևս մեկ հնարավորություն է համերաշխություն ցուցաբերել իսլամական աշխարհին՝ ի հակադրություն Իսրայելի, և փորձել սեփական շահերը խթանելու համար ամրապնդել իր դիրքերը տարածաշրջանում: Մյուս կողմից, Դ. Թրամփի որոշումը կուժեղացնի Թուրքիայի կապերը տնտեսական և քաղաքական հարթակներում Իրանի հետ, որը նույնպես դատապարտել է ԱՄՆ-ի նախագահի որոշումը²⁷: Հետևաբար, Թուրքիան առավել քան իսլամադավան մյուս երկրները, աղմկելու են Երուսաղեմի հարցում: Բացի այդ, Էրդողանը ցանկանում է ցույց տալ, որ Թուրքիան առաջատարն է իսլամական սուննի աշխարհում: Իսրայելը մտահոգված է Արևելյան Երուսաղեմում Թուրքիայի կողմից (Կատարի հետ համատեղ) քաղաքացիական և իսլամական միավորումների ֆինանսավորմամբ: Այս աջակցությունը նպատակ ունի ամրապնդել Թուրքիայի «փափուկ ուժի» կիրառումը՝ ի հակադրու-

embassy.html?fbclid=IwAR3ZvYWkwKQgkzGBBu7lNky6vvccbEajbU2l7M_M2Ho7Sf1-19eLSO-_znY

²⁶ Öztürk M., Aktaş Y., Tosun H., Karakuş K., Cumhurbaşkanı Erdoğan: Kudüs Müslümanların kırmızı çizgisidir, Anadolu ajansı, Dec. 05, 2017, <https://www.aa.com.tr/tr/gunun-basliklari/cumhurbaskani-erdogan-kudus-muslumanlarin-kirmizi-cizgisidir/989928>

²⁷ Dehghanpisheh B., Trump's Jerusalem Move Will Hasten Israel's Destruction: Iran, Reuters international news organization, Dec. 11, 2017, <https://www.reuters.com/article/us-usa-trump-israel-iran/trumps-jerusalem-move-will-hasten-israels-destruction-iran-idUSKBN1E5172?fbclid=IwAR0ftX678zj6LLT5DEuY5NKR8-FxWJUGm7mUOxDB07XQ65eKSYK3jcl05Q>

թյուն Սաուդյան Արաբիայի և Եգիպտոսի պաղեստինյան հարցում փոխզիջման²⁸:

Հետևաբար, կարելի է եզրահանգել, որ Թրամփի որոշումը սոսկ դեսպանատան տեղափոխման հարց չէ: Տարիներ շարունակ ԱՄՆ-ը Մերձավոր Արևելքում հզորացրել է իր ներկայությունը՝ զինելով Բարայելին, որի այժմյան դիրքը տարածաշրջանում ամենաուժեղն է իր ողջ պատմության մեջ: Նրա մերձեցումը սուննի արաբական ուժերի հետ մտել են սերտ ռազմաքաղաքական և դիվանագիտական մի նոր փուլ, որը ոչ այլ ինչ է, քան տարածաշրջանային նոր առանցքի ձևավորում ԱՄՆ-ի օժանդակությամբ՝ ուղղված ընդհանուր հակառակորդի՝ Իրանի Իսլամական Հանրապետության և նրա շուրջ համախմբված շիական միավորումների դեմ:

Այսպիսով՝ Դ. Թրամփի կողմից Երուսաղեմն Բարայելի մայրաքաղաք ճանաչման և ԱՄՆ դեսպանատան տեղափոխման հարցը լուծում էր միանգամից մի քանի խնդիր՝

- կատարում էր իր նախընտրական խոստումը,
- հաջորդ ընտրություններում ապահովում է ԱՄՆ-ի ավետարանական և հրեական համայնքների լիակատար աջակցությունը:

Դ. Թրամփի որոշումը, սակայն, պետք է ներառել առավել ընդգրկուն՝ մերձավորարևելյան քաղաքականության շրջանակի մեջ: Պատճառները մի քանիսն են՝

Միջիական ճակատում Ռուսաստանի դիրքերի ամրապնդումը, իրանական և շիական մյուս ուժերի (Հիզբալլահը՝ Լիբանանում, հութիները՝ Եմենում, ինչպես նաև Իրաքի շիական շրջանակներ և այլն) աջակցությունը Բաշար ալ-Ասադի գորքերին ԱՄՆ-ին ստիպել է վերանայել մերձավորարևելյան ռազմավարությունը և, ի հակակշիռ այդ ուժերի, էլ ավելի ուժեղացնել Բարայելի դիրքերը տարածաշրջանում:

²⁸ Щегловин Ю., О взглядах американских аналитиков на развитие израильско-турецких отношений, Институт Ближнего Востока, 9 октября, 2018, <http://www.iimes.ru/?p=48623>

Այս քաղաքականության նոր շեշտադրումը կայանում է նաև Իրանին մեկուսացման, տարածաշրջանային դերակատարի դիրքից դուրս մղման մեջ՝ մեղադրելով վերջինիս միջազգային ահաբեկչության և Մերձավոր Արևելքում անկայունության թեժացման գործում:

Թրամփին մնում է իրագործել իր նպատակը՝ ստեղծել մերձավորարևելյան ռազմավարական դաշինք (Arab NATO), որը նաև կենտրոնացված կերպով կհամակարգի Մերձավոր Արևելքում ամերիկյան քաղաքականության կուրսը:

Ինչ վերաբերում է մերձավորարևելյան գործարքի իրականացմանը, ապա կարծում ենք, որ դա այդքան էլ դյուրին գործ չէ. նախ՝ պաղեստինյան կողմն ԱՄՆ-ի կողմից դեսպանատան տեղափոխման և Գոլանի բարձունքների՝ որպես Իսրայելի մաս ճանաչման հարցում վճռական է՝ որևէ գործարքի չգնալ Իսրայելի հետ, բացի այդ կարծում ենք, որ իսրայելական կողմը ևս պատրաստ չէ խաղաղության գործարքին, քանի որ չի կարող թույլ տալ ֆինանսավորում Գազայի հատվածին, որը համարվում է Համասի ազդեցության գոտին:

Այսպիսով կարելի է կարծել, որ խաղաղության գործարքի կնքումը, որի իրագործման մասին այդքան խոսում է Դ. Թրամփը, կարող է հետաձգվել անորոշ ժամանակով, և տարածաշրջանը հնարավոր է թևակոխի հերթական ապակայունացման շրջան:

HRACHUHI TURVANDYAN
(IOS)

**MOVING THE US EMBASSY TO JERUSALEM: NEW
ACCENTS IN THE UNITED STATES FOREIGN POLITICS
AND THE CONSEQUENCES FOR THE MIDDLE EAST**

The article touches US embassy move to Jerusalem, the new accents of that decision in the United States foreign policy and the consequences for the Middle East

US President Donald Trump announced in his speech on December 5, 2017 that he is going to officially recognize Jerusalem as the capital of Israel and move the US embassy there.

Back in 1995, the US Senate jointly with the House of Representatives adopted a public law on moving the US Embassy from Tel Aviv to Jerusalem, but for many years the execution of the law has been postponed by various US Presidents, which allowed the United States to be the main mediator in the negotiations between the Israelis and the Palestinians. Taking that decision D. Trump implemented his pre-election promise hoping to receive the support of the US Evangelical and Jewish communities in the next elections as well. In addition, Trump's decision was aimed at raising the US role in the Middle East policy. Currently he expects assistance from Saudi Arabia, Egypt and the United Arab Emirates, which under the leadership of Israel can neutralize the activity of the Islamic Republic of Iran and its supportive Shiite forces in the region.